



Isalathiso: 20211214-8799
Inombolo yefayili: 12/11/8
Imibuzo: ABacwangcisi beKharithulam abaKhulu (kwi-GET & FET)

INgcaciso eMfutshane yeKharithulum noLawulo loVavanyo: 0004/2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zoKunika iNkxaso kwiKharithulam, kuBaphathi beeSekethe, kumaSekela eeNgcali zeMfundo eziziiNtloko, kuBacebisi ngeZifundo, nakwiiNqununu neeNtloko zamaCandelo kwizikolo zikarhulumente eziqhelekileyo

Isihloko: Ukufundiswa kweKharithulam

1. Ukufundiswa kwekharithulam yinqubo yezemfundo eqhubekela esikolweni yokuqinisekisa ukuba ikharithulam emiselweyo ekhoyo ngoku iphunyezwa ngendlela yokuba abafundi bafikelele kumthamo omiselweyo kwisifundo ngasinye nakwibakala ngalinye.
2. Ukubekwa esweni kokugqitywa kwekharithulam kungummiselo ogunyazisiweyo yaye oko makwenziwe kwinqanaba lesikolo apho utitshala ngamnye wesifundo okanye weklasi makanike ingxelo ngokugqitywa kweziCwangciso zokuFundisa zoNyaka (*Annual Teaching Plans*) qho ngekota yonyaka.
3. Iingxelo zaqho ngekota zokufundiswa kwekharithulam kufuneka zingeniswe ziinqununu kubaphathi beesekethe ekupheleni kwekota yonyaka nganye.
4. Ezi ngxelo ziya kusetyenziselwa ukulungelelanisa nokwenza izicwangciso zenkxaso zokuhanjelwa kwezikolo zekota yonyaka elandelayo.
5. Luyaqhubeka uthetha-thethwano lwangoku nezicwangciso zokufakwa kokufundiswa kwekharithulam kwisixhobo seebloko zokwakha (*building blocks tool*) esiya kuthi ekugqibeleni sibe yinxalenye yeqonga loKuzivavanya kweSikolo (*School Self Evaluation platform*).
6. Kucelwa wazise okukule ngcaciso imfutshane bonke abasebenzi abachaphazelekayo ukuze bakuthathele ingqalelo.

ISAYINWE: NGU-H MAHOMED

USEKELA MLAWULI-JIKELELE WEKHARITHULAM NOLAWULO LOVAVANYO

UMHLA: 2021-12-15